



LANDQUART
FASHION OUTLET

23.-25.11.2018

...
**BLÄCK
WEEKEND**

ÜBER 160 MARKEN
JETZT NOCH GÜNSTIGER

...
AUCH AM SONNTAG



ARC'TERYX / ARMANI OUTLET / BOGNER / CALVIN KLEIN / GUESS / HUGO BOSS
HUNKEMÖLLER / JETSET / LACOSTE / MAMMUT / MARC CAIN / MAX MARA / MÖVE
NIKE / NORRØNA / ODLO / PUMA / QUIKSILVER / SALOMON / WATCH & SEE



Daniel Albertin (san.) e Giovanni Netzer durant la discussiun agl podi.

FOTOS G. N. STIGIER

Santia pac da nov

Riom: «Gipfeltreffen» tar igl tema abitar an lis muntagnards

DA GION NUTEGN STIGIER / ANR

■ En referat noua tgi è nia alla gleisch ple u manc tot chegl tgi cunaschagn er tar nous. Alla referenta è an mintga cass betg reuschia da procurar per ena gronda euforia tar igls preschaints. Da taimp an taimp anveida igl Parc Ela tots interessos ad en schinunno «Gipfeltreffen». Chella occurrenza è adegna dedeida ad en tema tgi pertorga er la nosa regiun. L'emda passada ò la «Clavadeiras», igl biets da teater digl Origen Festival Cultural, do la culissa all'ediziun digl «Gipfeltreffen» d'aton. Igl tema è sto igl suadont: Tge fò attractiv da veiver an ena vischnanca muntagnarda e tge betg? Dalla parteida èn stos prest tots mastrals digls cumegns da Surmeir, suprastants e suprastants ed er otras persungas. Nias èn tots per assister agl referat da *Gabriele Gressing*, ella tgi segna aint igl Vorarlberg pigl svilup digls cumegns ed è er madra da project.

Mintga midada da li è ena migraziun

Beneventos èn igl preschaints nias da *Daniel Kunfermann*, igl sviluppader regiunal. La referenta Gressing ò er refera tar igl tema migraziun. I dat plessas migraziuns, ò ella detg e chegl seian cun midar li d'abitar, cir an en li perveia dalla professiun ed alloura la migraziun digls fugiteivs etc. Per tgi en cumegn saptega profitar digls migrants seia urgent da far

en'analisi. Ansomma duess mintga cumegn analizar tge èn las fermezzas e tge èn las deblezzas. Gressing ò er menziunò tgi tar ena qualitat da veiver totga l'integraziun dad en nov abitant an vischnanca, l'activitad tar en'uniun e tar la veta sociala.

Igls tiffels da muntogna

Santia aint igl referat da Gressing on igls preschaints pac da nov. Mess aint igl center ò ella igl Vorarlberg, gist chella regiun tgi è pigl Grischun ed er per la Svizra orientala la pi gronda occurrenza turistica. Piglier ins dess en exaimpel digl «Breggenwald», digl «Käseweg» ainten chella regiun ed alloura er digls tiffels da muntogna digl Tirol (scu para saveva la referenta betg tgi l'idea da metter chels tiffels er aint igl Tirol on igls iniziants surpiglia *Marcel Heinrich* da Filisour, el tgi ò grond success cun chella produziun). Per en referat tgi dueva esser en mossa veias, dar novs impuls ed ideas ins veva spiglia ensatge oter. Tant dastgainsa deir tgi er aint igl Vorarlberg vign cuschino angal cun ava.

Temas omnipreschaints

Siva digl referat «sainza sal e pever» è nia luvro an gruppas. Qualitad da veiver, participaziun, cooperaziun ed activitad, chels quatter aspects on do la basa pigl schinunno «workshop». Sa musso è alloura tgi tar chel luvratore è nia discurreia da temas tgi èn omnipreschaints tar su-

gliaintas occurrenzas. Abitaziuns paiblas, qualitat da veiver, ena buna scola, miglras colliaziuns tar igl traffic public, buna infrastruttura pigl taimp liber, fermas lengias d'internet, rumantsch an scola scu disvantag per famiglias tgi lessan neir an nosa regiun e l'integraziun ainten la veta sociala d'ena vischnanca.

I dat en spazi da migliuramaint

A pled èn alloura er nias igl mastrals *Daniel Albertin*, *Luzi C. Schutz* e *Leo Thomann*. Alla runda da discussiun ò er appartignia *Giovanni Netzer*, igl intendant digl Origen Festival Cultural. Albertin, el tgi stat agl tímung digl cumegn Albul/Alvra, ò detg tgi chegl tgi pertorga la qualitat da veiver ins vegia bagn anc en pulit spazi per sa migliurar. Qualitad da veiver costa e savens seia igl suveran berg pront da paer persiva. Igl mastral da Barvogn Filisour Schutz ò detg tgi savens seian nous betg pertscherts digls sciazis tgi vegian ed er betg dalla qualitat da veiver. D'analisar tge è avant mang e tge betg seia da gronda impurtanza per en cumegn, ò punctuo Thomman, igl mastral digl cumegn Surses. An chella tgossa ins seia an Surses gio sen buna veia. Per Netzer ins è savens anc menzia passiv cun sa tignair allas structuras existentas. Donn seia tgi nous veian angal igls problems e betg igl potenzial tgi seia avant mang. Per en svilup positiv dovrigl an chella tgossa en òtra tenuta.



Sa participos a chella èn er Leo Thomann (san.) e Luzi C. Schutz.